

# ქალაქ ფოთის მუნიციპალიტეტის მერთან გამართული თათბირის

## ოქმი

25 მარტი, 2022 წელი

თათბირს ესწრებოდნენ: მერის პირველი მოადგილე დავით კვიციანი, მერის მოადგილე ზაქარია გვრიტიშვილი, ქალაქ ფოთის მუნიციპალიტეტის პრიორიტეტების დოკუმენტის მოსამზადებელი სამუშაო ჯგუფის წევრები.

### დღის წესრიგი:

- 1) ქალაქ ფოთის მუნიციპალიტეტის მოსახლეობის გამოკითხვის შედეგები 2021 წელს განხორციელებულ პროგრამებზე.
- 2) მოქალაქეთა აზრით, რომელია ის პრიორიტეტული სფეროები, რომლებშიც ადგილობრივია თვითმმართველობამ უნდა გააუმჯობესოს მომსახურების მიწოდება 2023-2026 წლებში.

მომხსენებელი: ქალაქ ფოთის მუნიციპალიტეტის მერიის საფინანსო-საბიუჯეტო სამსახურის უფროსი ვასილ თოდუა

ქალაქ ფოთის მუნიციპალიტეტის მერიის საფინანსო-საბიუჯეტო სამსახურის უფროსმა ვასილ თოდუამ თათბირის მონაწილეებს გააცნო ქალაქ ფოთის მუნიციპალიტეტის მერის 2022 წლის 28 თებერვლის N<sup>o</sup>42.42220598 ბრძანებით დამტკიცებული ქალაქ ფოთის მუნიციპალიტეტის 2023-2026 წლების პრიორიტეტების დოკუმენტის მომზადების მიზნით. მუნიციპალიტეტის შიდა საბიუჯეტო კალენდრით განსაზღვრული აქტივობების მიმდინარეობა და აღნიშნა, რომ პრიორიტეტები უნდა დახარისხდეს, რისთვისაც აუცილებელია სიტუაციური ანალიზისა და მოქალაქეთა კვლევის შედეგების გათვალისწინება.

მომხსენებელმა სამუშაო ჯგუფს გააცნო ქალაქ ფოთის მუნიციპალიტეტის მერის წარმომადგენლების (უბნების მიხედვით) მიერ წარმოდგენილი მოქალაქეთა კვლევის შედეგები და აღნიშნა, რომ მოსახლეობა დადებითად აფასებს გასულ წელს განხორციელებულ პროგრამებს, განსაკუთრებით სოციალურ პროგრამებს, დაგეგმილ ინფრასტრუქტურულ პროექტებს.

მოქალაქეთა აზრით, მომავალ წლებში, პრიორიტეტული სფერო კვლავ სოციალური სფეროა. ასევე, მიზანშეწონილად თვლიან საგზაო ინფრასტრუქტურის მოწესრიგებას, ახალი გამწვანების ზონების შექმნას, ეზოების კეთილმოწყობას, წყალგადამქარი სატუმბების გამართულ ფუნქციონირებას.

აზრი გამოთქვეს: დავით კვიციანმა, ზაქარია გვრიტიშვილმა, მაია მაკალათიამ, ნანა გიგინეიშვილმა, ინგა გვასალიამ, გვანცა გვაძაბიამ, ნანა ვეკუამ, მაია დოლბაიამ, ნანა საბილუამ და ზური ნასარაიამ.

გვანცა გვაძაბია მიზანშეწონილად მიიჩნევს შეიქმნას კითხვარი და კითვარის მიხედვით აწარმოონ მუნიციპალიტეტებმა მოსახლეობის გამოკითხვა.

მაია მაკალათიამ ისაუბრა უკვე არსებულ სოციალურ და ჯანდაცვის პროგრამებზე და ყურადღება გაამახვილა მომავალში უსახლკარო ოჯახების თავშესაფრით უზრუნველყოფაზე.

თათბირი შეაჯამა: ქალაქ ფოთის მუნიციპალიტეტის მერის პირველ მოადგილემ დავით კვიციანმა თათბირის მონაწილეებს გააცნო კონკრეტული მოსაზრება, ზოგიერთი ახალი, პრიორიტეტული სოციალური და ჯანდაცვის პროგრამების, ინფრასტრუქტურული პროექტების, კულტურული და სპორტული ღონისძიებების შესახებ. მერის პირველ მოადგილემ აღნიშნა, რომ აუცილებელი პირობაა ბიუჯეტის პროექტის ფორმირებისას მოსახლეობის ჩართულობის უზრუნველყოფა.

ქალაქ ფოთის მუნიციპალიტეტის მერის პირველი მოადგილის შენიშვნებისა და შეფასების საფუძველზე, სამუშაო ჯგუფის წევრებზე გაიცა დავალებები.

დაადგინეს:

1. 2022 წლის 5 ივნისამდე საინფორმაციო, საგარეო და საზოგადოებასთან ურთიერთობის განყოფილებამ უზრუნველყოს მოქალაქეებიდან წინადადებების მიღება ელექტრონულად, რათა დადგინდეს, რომელია ის პრიორიტეტული სფეროები, რომლებშიც ადგილობრივმა თვითმმართველობამ უნდა გააუმჯობესოს მომსახურების მიწოდება მომავალ წლებში.
2. მუნიციპალიტეტის მერის წარმომადგენლებმა (უბნების მიხედვით) უზრუნველყონ ინფრასტრუქტურული პროექტების დაგეგმვაში მოსახლეობის ფართო მასების მონაწილეობა და შეჯერებული პროექტების წარმოდგენა.
3. სამუშაო ჯგუფმა უზრუნველყოს ქალაქ ფოთის მუნიციპალიტეტის 2023-2026 წლების პრიორიტეტების დოკუმენტის მოსამზადებელი საბიუჯეტო კალენდრით გათვალისწინებული ღონისძიებების შესრულების ვადების დაცვა.
4. სამუშაო ჯგუფის მომდევნო შეკრება დაიგეგმოს 2022 წლის 20 აპრილს და განხილულ იქნას მოქალაქეებიდან მიღებული ახალი პროგრამები/ქვეპროგრამები.

ქალაქ ფოთის მუნიციპალიტეტის მერის

პირველი მოადგილე

დავით კვიციანი